



Inatsisartunut ilaasortaq  
Laura Táunâjik  
Siumut

**Tappiitsut isigiarsuttullu tapiiffigineqarnissaannut periarfissat pillugit § 37  
naapertorlugu apeqqummut nr. 2017-143-mut akissut**

23-05-2017  
Suliap nr. 2017 - 10617  
Takussutissiaq id. 5388210

Asasara Laura Táunâjik.

Angalanermut Dansk Blindesamfund-imullu ilaasortaanermutatatillugu tappiitsut  
isigiarsuttullu tapiiffigineqarnissamut periarfissaat pillugu apeqqutinnut qujanaq.

Postboks 260  
3900 Nuuk  
Oqarasuaat (+299) 34 50 00  
Fax (+299) 34 66 66  
Mail: iniiian@nanoq.gl  
www.naalakkersuisut.gl

Akissutigataaani allassimasuni takuneqarsinnaavoq.

**1. Tappiitsut isigiarsuttullu pillugit Air Greenland aqutugalugu angalaniermi  
suli angalaqataasumut pitsanngorsaavigineqarnerat ingerlava? (Uani pivakka  
Blindesamfundet-mut ilaasortaasimagaanni angalatitsisup gebyria kisiat  
akiliutigineqartarnera)**

Aap Kalaallit Nunaata Danmarkillu akornanni timmisartumik angalanermut atatillugu  
Dansk Blindesamfundimi ilaasortatut tapiiffigineqarnissamut periarfissaqarpoq.  
Quppersagaanni qulequttap ataani allassimavoq; *Danmarkimi Kalaallit Nunaannilu  
timmisartumik angalanerit:*

*Tappiitsut isigiarsuttullu Dansk Blindesamfund-imi ilaasortaasut imaluunniit  
ilaasortaasinnaanermut nakorsaqaarnikkut piumasaqaatinik naammassinnissimasut  
Dansk Blindesamfund-ip allaffissuanut saaffiginnillutik mittarinnut akileraarummik kiisalu  
allaffissornermut akiliuteqarnermikkut inersimasumik tappiitsuunanilu  
isigiarsuttuunngitsumik angalaqateqarnissaminnut pisinnaatitsissummik allagartamik  
tunineqarsinnaapput. Tamanna Danmarkimi Kalaallillu Nunaanni timmisartumik  
angalanermit taamaallaat atuuppoq.*

**2. Blindesamfundet-mut ilaasortanngorniartut kalaallisuinnaq oqaasillit  
qallunaat nunaannut attaveqarnissaannut Naalakkersuisoqarfiup  
susassaqartup ataani ikiorneqarnissamik periarfissaqarpat, saaffissaqarpat?**

Dansk Blindesamfund-imut attaveqarusukkaanni attaveqarnissamullu  
ikiorneqarnissamik pisariaqartitsigaanni attaveqarnissamut ilaasortanngornissamullu  
IPIS ikiuussinnaavoq.

IPIS Ilisimasaqarfiullunilu Siunnersuisarfiusup inuit innarluuteqartut, inunnik  
innarluuteqartunik sullissisut kiisalu qanigisaasut pingaernerusumik sullitara;  
siunnersuineq marluinnik oqaaseqarfiuvoq kalaallillu nunaanni pissutsinut  
naleqqussagaalluni. IPIS siunnersuillunilu aqutissiuussisarpoq ilaatigut makkununga:

Isumaginninnermi inatsisit iluanni immikkut inununnut innarluutilinnut tunngassuteqartut pillugit, nalinginnaasumik ikiorserneqarnissamut atortorissaarutinullu tunngasut pillugit kiisalu Kalaallit Nunaanni nunanilu allani sullissinikkut ilisimasallit allat pillugit siunnersuineq.

**3. Naalackersuisut qanoq Blindesamfundet-mut ilaasortanngorniarnissamut oqaasitigut ajornartorsiummut aaqqiissuteqarnissaminnut piumassuseqartigippat?**

Pisorta qarfiga qinnuigaara ISI (tappiisut isigiarsuttullu peqatigiiffiat) suleqatigalugu Kalaallit Nunaanni tappiitsunut isigiarsuttunullu kalaallit nunaanni aaqqiissuussisinaanermut periarfissaqarnersoq misissuiffigeqqullugu.

Apeqqu 2-mut akissutigineqartut innersuussutigineqassapputtaaq.



Inussiarnersumik inuulluaqqusilluta  
Sara Olsvig



**SIUMUT**  
**INATSIARTUT**

11. maj. 2017

Inatsisartut suleriaasiat § 37 naapertorlugu matumuuna Naalackersuisunut apeqqutit imaattut saqqummiuppakka:

**Apeqqutit:**

- 1. Tappiitsut isigiarsuttullu pillugit Air Greenland aqutigalugu angalaniarnermi suli angalaqataasumut pitsannngorsaavigineqarnerat ingerlava? (Uani pivakka Blindesamfundet-mut ilaasortaasimagaanni angalatitsisup gebyria kisiat akiliutigineqartarnera)**
- 2. Blindesamfundet-mut ilaasortanngorniartut kalaallisuinnaq oqaasillit qallunaat nunaannut attaveqarnissaannut Naalackersuisoqarfiup susassaqartup ataani ikiorneqarnissamik periarfissaqarpat, saaffissaqarpat?**
- 3. Naalackersuisut qanoq Blindesamfundet-mut ilaasortanngorniarnissamut oqaasitigut ajornartorsiummut aaqqiissuteqarnissaminnut piumassuseqartigippat?**

(Inatsisartuni ilaasortaq Laura Táunâjik, Siumut)

**Tungavilersuut:**

Ukiuni arlaqalersuni maanna Air Greenland aqutigalugu isigiarsuttut tappiitsullu angalaniarneranut iluaqutaasumik (angallassisoq angalanermini gebyria akilerneqartarnera) malittarisassanik iluarsissuteqarnikuupput. Taamaattoq periarfissaq taanna atorniaranni piumasaqaataavoq Blindesamfundet-mut ilaasortaanissaq. Kisianni kalaallit danskit oqaasiinik atuisinnaangitsut tassuunakkut periarfissatigut aporfeqartuaannartut ersarippoq.

Naalackersuisut IPIS aqutigalugu tamatuma eqaannerulersinneqarnissaannik sulissutigerusutaqarnerut imaluunniit suliamik aallartitaqarsimanersut paaserusunnarpoq.

Nalunngilarput innarluutillit nunatsinni angalaniarnermikkut ilaatigut kommune aqutigalugu pisinnaatitaaffeqaraluartut, taamaattoq periarfissaq una atorluarneqarnissaa annerusumik nittarsaassutigineqanngimmat kissaatiginarpoq Naalackersuisut qanimut suleqatigiinnerup aqqani aqutissiuusseqataanerusariaqartut.

Angallaneq nunatsinni akisuvoq. Isigiarsuttoq tappiitsorluunniit angallanneqarusukkuni Blindesamfundet-mut ilaasortaasimanngippat allatut iluaqutaasumik aaqqiissutissaqarneq ajorput. Taamaattummik maannakkut paaserusunnarpoq ilumut Naalackersuisut oqilisaassinikkut iluarsissutissamik aaqqiiviginninnissamut piumassuseqarnerut.

Innarluutilik ulloq unnuarlu angerlarsimaffimmi najugaqartinneqaruni ilaqutaasut kissaateqarsinnaatitaapput ukiumut marloriarlutik tikeraartitsisinnaanerminnik, ukiorlu kaajallannerani ulluni 365-usuni ullut 18-it annerpaamik taamaallaat tikeraarsinnaanermut atortinneqarsinnaapput, taassuma saniatigut tikeraarsinnaaneq eqaannerusoq anguniarlugu Air Greenlandimi periarfissaq atorluarneqartariaqarpoq.



**SIUMUT**  
**INATSISARTUT**

11. maj. 2017

Apeqquteqaatimma ullut suliffiusut qulit iluanni akineqareersimanissaat kissaatigaara.